



Wette dinst zu mach,  
Nym in loth Ballis,  
in loth Vitriol,  
in loth Kummel,  
1 Mässel bitterlig,  
1 Mässel weinlig.  
Zuepfeid die gall äyffel zu  
den zu drey od vier stück,  
und thue es alles zusamen,  
zu einem neuen weglase  
ten troff, so faste gutte dinst.

Doctor Martin Luther ist geboren zu  
Eisleben in der Grafschaft Mansfeld  
Anno 1483. den 10. Novemb. Auf alda  
gestorben. An. 1546. den 18. Februarij.



62 A 23 72

Tram  
ist n  
unrar  
ra-m  
otut n  
ife. j  
146. S  
f. Am  
miti  
d. ma  
lat g  
idu  
tint  
ndu  
votar  
mda  
iam  
dne co  
win  
nere  
ere p  
iam  
icut  
dant  
actica  
oplar  
1. eff  
mist  
lqua




Coniectur odder ab nemliche aus-  
legung Joannis Schöners  
vber den Cometen so im  
Augustmonat / des M.  
CCCCC. XXXI.

Jars erschienen ist / zu Ehren  
einem Erbern Rath / vnd  
gemeyner burgerschafft  
der stat Nurnberg  
ausgangen.

Mittnacht.

. M . D . XXXI .



## Zu dem Leser.



**E**reundlicher lieber Leser /  
wie ynn diesem vergangen Augustmon ein Co-  
met ynn vnserm clima sich erzeigt / darauff viel  
menschen gelert vñ vngelert / mancherley vrteil  
gefelt / ein ieder noch seinem gutbedüncken. Die weil aber  
vō den Cometen zu vrteilen nit allein schwerlich / sonder auch  
gefehrlich / vnd nit einem iglichem vrteil leichtlich zu folgen  
ist / bin ich von etlichen meinen guten freunden ynn sonder-  
heit angesucht vnd gepeten worden / auch mein vrteil odder  
gutbedüncken dazu geben. Demnach habe ich mit hohen  
vleis etliche nechte / mit sampt andern verstendigen / mein  
vleissig observation odder auffmerckunge gehabt / Vnd also  
was ich der Astronomey gemes gefunden habe / auch andern  
nicht wöllen verhalten / Gehab dich wol.

## Von des erschienen Cometen ten gange.



Am fünffzehenden tage des monats Augusti  
noch mittag gar nahet vmb. 9. vre des Kleinen  
zeigers / habe ich gesehen einen Cometen etwa  
neun grad hoch / vber dem horizon yn dem vier  
tel gegen occident vnd mitnacht / welchs Come  
ten corpus vnd schwanz gnaw yn einer rechten linia mit de  
letzten zweien stern des wagens / sonst vrse maioris genant /  
den. 16. vñ den. 17. auch mit Mercurio alda gestanden sein /  
nach der lenge ihres lauffs. Den der Körper des cometen bede  
ckt als denn die zwen stern ym hindersten lincken fuesse vrse  
maioris / also / das er zu solcher zeit erschinnen ist ym zeich  
en des Lewen mit Mercurio eine coniunction machende.  
Wiewol er nach gewiser leute anzeigunge lengest vnd eher  
gesehen ist / derhalben sein anfang mir nit wissen / doch hat  
man ihn auch früe gesehen vmb den funffzehenden Augusti  
vnd dauor etliche tage gegen mitnacht stehen vmb. 2. odder  
3. vr noch mitternacht. Aber darnach kein mal mehr zu früe  
gesehen / den er gnaw mit der sonnē in ihrem auffgange auff  
gestigen ist / derhalbē man in nit hat können sehen zu früe yn  
vnserm horizon. Sein gang ist gewesen von dem stern des  
sibengestirns die man nent den wagen / gegen dem gange der  
Sönen vñ dem Lewē durch dz ganz zeichen der Jungfraw  
en / vnd das mererteil der wage bis auff den. 26. tag Augusti  
da er ganz klein gesehen ward / vnd ist dis meine obseruation  
dadurch ich seinen lauff erkündiget hab. Den. 15. tag Augu  
sti noch mittag gar gnaw vmb. 9. vr / hab ich ihn fundē vber  
dem horizon. 9. grad hoch / welchs corpus vñ schwanz stun  
den gar genaw ynn einer rechten linia mit den letzten zweien  
stern des wagens / welche sind der 16. vñ. 17. vrse maioris / den  
der Körper des Cometen bedeckt / als denn die zwen stern ym  
letzern linckē fusse vrse maioris / vnd streckt sich der schwanz  
A ij gegen

gegen den zweyen letzten redern des wagens. Den .16. tag  
solchs monats gar nahet umb acht vr nach mittag/ ist er vñ  
mir gesehen nahet in einer rechten linia mit den zweyen for-  
dersten redern des wagens/nemlich dem .14. vñ .15. vrse ma-  
ioris. Den .17. tag gemelts monats/ hab ich yhn obseruirt  
durch ein Torquet nach mittag umb .8. vr vñ einhalb vñ  
ym fundē ym .9. gr. der Jungfra mit .20. gradē nach der mit-  
ternachtlichen breyten/vñ sein erhöunge vber den horizont  
.8. grade mit seinē azimuth occidentali septentrionali .31. grade  
gerichts vntter dem andern pferd des wagens/sonst dem 26.  
des grossen bern. Den .18. tag nach mittage .8. vr 45. minut  
hab ich yhn fundē ym .18. vñ ein halb grade der Jungfraw  
en mit .19. grade mitternachtlicher brayte/ vñ seine höhe vber  
den horizont .5. grade ym .25. azimuth occidentali septentri-  
nali. Den .22. Augusti nach mittag .9. vñ hab ich yhn abge-  
scherzt umb das ende der Jungfrawen/wiewol diese observa-  
tion nit flexsig gesehen ist.

Den .23. tag nach mittag .7. vñ ein halb hab ich ym  
funden ym 4. grade Libre der Wage mit .13. grad mitter-  
nechtlicher brayte vñ ober dem horizont gnaw .11. grade/  
welchs azimuth gar nahe .1. grade occidentale septentrionale.  
Den .25. tag Augusti nach mittag .8. vñ hab ich yhn funden  
ym 10 ein halb grade der Wage mit .12. graden mitternecht-  
licher brayten / welchs höhe vber den horizont was bey .7.  
graden/ aber das azimuth ym punct des waren nidergangs.  
Aus diesem beschliesse ich das dieser Comet dreyerley genge  
hat gehabt. Der erste ist das er in einem ganzen natürlichen  
tage nahet einst mit dem himel vñ der Sonnen gangen/vñ  
auffgang gegen dem nidergange / als ein rechter stern thuet  
vmbher gangen ist/vñ zu mittage so die Sonn am himel in  
der mitdags linia gestanden ist / ist er nahet mitten auff vn-  
serm heupt gestanden. Der ander gang den er hat gehabt ist  
das er von einem zeychen ym das ander gangen ist von occi-  
dent gen orient wertz / also das ehr vom Lewen bis ym die  
Wage kommen ist. Der dritte gang den er hat gehabt/hab  
ich funden das er vber die zwirge gangen ist/also das er von  
septentrion

septentrion hinzu zum zodiaco sich mit seynem lauffe begehen hat.

## Was der Comet sei vnd wie er entspringt odder geporen wirdt.



Alle Cometen werden aus zweyen vrsachen. Die erste ist die materia daraus der Comet wirdt. Die ander ist der stern vnd planeten die die materia auffziehen von der erden ynn den obersten lufft / vñ die sphere des fewrs. Von ersten aber wil ich sagen von der materia. Die materia daraus der Comet wirdt / ist nichts anders dann ein fester irdischer tampff oder rauch der aus dem erdpoden gezogen wirdt / durch die hitze der obersten dinge / der selbig tampff ist hais vnd truckē vnd feste / als dann ist ein rawge von schmalz oder von öle / so der wird auffgezogen in die hōe des luffts / so sein wenig ist / wird er herwider nider geschlagen durch die kelte die da ist in der mittel des luffts / vnd zeyten an dem widerschlahen entzündt er sich / vñ werden daraus prinnende kugel die man nennet raynigung der stern / die zeyten herab fallen / zeyten werden andere prinnende vnd fligende form / als man nennet die fliengende tracken / zeyten wirt daraus der plitz oder anderley desgleichen. So aber des tampffs gang viel ist / so wird er durch die menge vñ größe die er hat gekressigt / also das er die mitte des luffts durchgeen mage / so schickt vnd formt er sich wie ein gros sevolen / Vnd durch die bewegunge vnd strayffunge in dem obersten lufft / oder in der spere des fewrs / auch durch die hitze desselbigē fewrs / wirdt er entzündet vñ print als ein lang grosse kerten / so lange bis die sewle ganz verprint vnd verzert wird durch die flamen. Also der flamme der vns erscheint / heyst der Comet / vnd erscheint so lange bis sie ganz verzert wird / in gleicher mas als der flamme an einer kerten / die weyl sie nit erlischt / scheint sie bis die

berge ganz verprint. Dis ist die erste vrsach des Cometen.  
Die andere aber ist als ich abnemen mag / die gros krafft vñ  
einflüsse des planeten Martis vnd Mercurij / Dann dieser  
Comet hat sich entzündet yñ seiner zufügung mit Mercurio  
ynn dem zeychen des Lewen / vnd so er ynn der bildunge vñ  
maioris erkanden ist / welchs gestirns alle stern sein der na-  
tur vnd eygenschaft Martis / auch die farbe so er erzeygt  
hat / ist Mercurij vnd Martis von mir geschetzt.

## Von des Cometen größe.



Es gewiser kunst der zal vnd messunge ist klerlich  
angezeygt / das von der erden an bis an den hymel  
des Mons ist bey dreyssig tausent deutsch meyl.  
Aus solcher kunst vnd aus des Cometen gange /  
kan man die lenge vnd diecke des Cometen / ganz gewis ynn  
meylen oder anderer abmessunge erkennē / Derhalbē ich auch  
bey lewffig beschliffen mag / das dieser Comet bey tausent  
deutsche meyl von der erden ist gestanden / vnd sein flamme  
etwa vil deutscher meyl gehabt hat an der lenge. Aber yñ der  
diecke hat er vberanderthalb deutsch meyl nit gehabt / nach  
grober abmessunge. So nu die flammen des Comete so gros  
sein gewesen / wie gros mag dan die sewle oder materia an yr  
selbs gewesen sein? Aus solcher größe so er dann nit gros ist  
gewesen gegen andern vor gesehenen / wird seine bedeu-  
tunge auch dester geringer werden / dan es seyn zu etlichē v-  
ergangē zeyten / weyte vil grössere erschienen / welche dann zumal auch  
grosse grawsame dingē nachgevolgt seyn zc.

## Von des erschienen Come- ten natur.

Ptholomeus



**P**tholomeus der meister leret vns/ wie erfunden seyn durch lange auffmerckunge newnerley Cometen. Nemlich vier on schwentze vnd on zoten vnd fünffe die geschwentz vnd gezottet seyn/ Aus den geschwentzten sein drey mit kurzen schwentzen/ vñ zwen mit langen. Demnach so ich diesen Cometen erstlich ersehen habe/hat er ein langen schwantz gehabt/ als ich dann auch von glawbhafftigen leuten erfahren hab/ die yhn langest vor mir gesehen haben. So dem nu also ist/ volgt das dieser Comet eyner aus den zweyen sey/ derselbigen zweyen eyner heyst Ascō/ ist geelfarb/hat ein langen schwantz vnd ist von der natur Mercurij des planeten/ derhalben heyst dieser Comet Ascō/ wiewol er auch teyl hat von der natur Martis / dann er auch ynn der pildunge des hymels dem grossen bern der natur Martis entzund ist/ zur zeyt da auch der planet Mercurius ym Leben gestanden ist. Aus diesen ursachē sage ich/ das dieser Comet sey der natur Mercurij vnd Martis / wiewol sich seine farbe offft verkeret hat/ ist ursache des Mons scheyn/ auch die nacht röte vnd tünste oder temffe des erdrichs auffgestigen ynn die luffte/ welche dann nit alwege eynerley seyn gewesen / vnd derhalben auch seyne farbe zeyten verkeret.

## Von des erschienen Cometen bedewtunge ynn der gemeyne.



**I**e wolt ich lieber schweygen dann dieses Cometen bedewtunge anzeygen/ wiewol seyne bedewtunge nit so krefftig vnd starck werden erscheynen/ als wol vorzeyten etlicher anderer Cometen der proportion seyner grös nach zu andern erscheinen zu rechen. Derhalben hat er auch seyne bedewtunge seyner grösse gemes / vnd sage das seyne bedewtunge ynn der gemayne ist / vberige trücke des erdtpodens vnd allen thieren abgang an wasser / gross winde / erdtpideni/

dem/gros vnd gehe pestilentz/vil fevor/gros Sommer hitze/  
schwere winters kelte/bawm vnd fruchte verderbunge/terro-  
runge/gros zorn/streyte/manschlacht/mörderey/blutuer-  
giessen/gros irsal in allen dingen/grosser vñ alter dinge new-  
erunge/vnd verkerunge oder verderben / gar klayne freunt-  
schafft vnter den menschen/eines mechtigen vñ grossen her-  
ren tode. Solchs ist bewert durch natürliche vrsach der na-  
türlichē meyster/welche hie anzuzeygē/ würde gar zu langk-  
Doch so herschet Gott vnser heyland vber das gestirn vnd  
seine einflüsse / vnd mage solche bedeutunge durch frommer  
menschen bite in gut verwandeln. Das aber Got der almech-  
tig durch wunderbarliche zeychen der Sonnen/des Monde/  
vnd der sterñ / zu zeyten seinen strengen zorn vber die sünde  
anzeygē wol/ auff das meniglich wisse mit busfertigem lebē  
der straffe zuentweychen/mage man aus den wortte Christi  
wol abnemen/do er von der andern seiner zukunfft redet/ vñ  
zaygt an / wie zur selbigen zeyt alles vbel auff erden ein ende  
werde nemen/ Nemlich so werde zuvor kommen Krige / vnd  
Kriegsgeschrey/vnd dergleichen iamer vnd not. Darnach  
balde werde auch die Sonn vnd der Monde iren schein ver-  
liren/wie das Math.24. Mar.13. Lu. 23. gnugsam ange-  
zeygt ist/ Vñ wiewol die selbige wort Christi/ am aller erstē  
auff den grawsamen tage seines gerichtts dewten/ vnd danō  
auch gesagt werden / auff das die welt ir vbel erkenne/ vnd  
dauon ablasse/ oder von Gott billiche straffe vmb ir misse-  
that entpfahē. So ist aber auch zu vnsern zeytē nit vnchrist-  
lich zu glawben / so Gott die bosheyt der welt / von wegen  
der sünde straffen wolle / das er auch zuvorhere / aus seyner  
gruntlosen güthe vnd barmhertzigkeyt (welchs dann seyn  
eygens werck gnant wirdt/ Den wie ym psalm.144. geschri-  
ben/ Sein barmhertzigkeyt/obertrifft alle seine werck) ym  
sonderheyt den scheyne seines heyligen worts lest auffgehen.  
Darnach so die welt noch vndanckbar erfunden wird/lest er  
auch sehen izt gebrechē der Sōnen/izt finsternis des Mon-  
des/ darnach auch zeychen an den sternē / is auch andere  
monstra

monstra vnd wunderbarliche zeychen an andern creaturn.  
Darob erschrecken solle der sunder vnd mutwilligen mensch  
en herze oder gemüte/sich erkennen/ vnd yhr leben nach sey  
nem götlichen willen richten/ bis auch Gott die straffe vnd  
geyssel vnserer sunde abwendet. Dieweyl nu aber zu vnsern  
zeyten so manigfaltig zeychen erscheinē / mag ein yder Kluger  
wol abnemen/ das auch die züchtigung des herrn nit weyte  
von dannen ist. Den so man die geschicht der verganden zey  
ten mit fleys warnimet/ so findet man das alwege nach solch  
en zeychen Gott auch mit seyner geysel hernach ist komen/  
vnd ist alwege weltliche freude yñ traurigkeyt verwandelt  
worden. Den durch solche zeychen eröffnet sich zum offtern  
mal das verborgen vrteyl Gottes. 2c

## Von abschetzunge der bedew tunge des erschinen Cometen ynn sonderheyt.



Jewel Ptholomeus der hochberümbt meyster  
sagt ynn seynem buch quadripartito/ Das der  
Astrologus mit seynem iudicio nicht komē mö  
ge auff das iudicium so man heyst particulare/  
das ist die nechste odder genaweste sonderheyt/  
Sonder die astrologi sollen daruō reden/sam so einer von fer  
ren sibet ein thier gehn/vnd kan doch nit gewislich abnemē  
ob es ein pferdt oder ein esel oder ochs sey / sonder das weyst  
er gewis/dz es ein thier ist. Also auch hie/dan der astrologus  
weys wol das die Cometen oben angezeygte dewtunge brin  
gen/ Er weys aber nit sonderlich gewise/welchs vnter ynen/  
Doch kan er etlicher was das particular oder sonder iudicium  
bey ym abschetzen / wo es ynn sonderheit möcht hintreffen.  
Demnach sage ich/das dieser Comet bringt viel vñ mancher  
ley Franckheyt den menschen vnd dem vihe/vnd dem mensch  
en ynn sonderheyt pestilenz vnd viel schmerzgens des hertzen  
Starcke fiber aus vbrigen geplüte/geschwere/magen wehe/  
Der seyten

der seiten vnd rücke wehe/ der gemechte vnd plasen wehe/ Kranckheit vnd böse flüsse der schinpein / wetagen ymhals von geschweren vnd der gleichen. Eszeygt auch dieser Comet an nach abschazunge mit seiner coniunction mit Mercurio vñ alda entzündet grossen abgancf an künstrichen lewten/ auch grossen sturtz der subtilen kunste. Derhalben auch gemeynlich alle menschen der art vnd natur Mercurij sich vor vnfal zubeforgen haben. Als da seyn Cantzler/ schreyber/ rechner/ Kauffherren vnd der gleychen / zeygt auch yhren thuen vnd gewerbe einen grossen sturtz / zu letzt auch allen menschen so ynn yhren gepurden das zeychen des Lewen haben/ werden dieses Comete bedewtunge nit entpfliehen. Auch welche solchs zeychen den Lewen ynn zehenden haufs yhrer geburdt haben / werden yhre dignitet vñ herrligkeit entsetzt vnd schaden nemen/ als anzeygt Leopoldus der astrologus.

## Welchen region vnd steten dieser Comete droen ist.



Welchen regionen vnd gegenten dieser Comete/ vber den obersten punct yhres kopffs gangen ist/ nach dem lauff des himels /den man denn ersten lauff / oder die erste bewegunge nennet. Solchen regionen wird dieses Coeten bedewtunge ereygnit / vnd das seyn alle region so do sein vnter des polus höhe 48. 49. 50. Auch allen so dem zeychen des Lewen vnterworffen seyn/ als da sein/ Das grösser teyl welsch lants des Italia genant/ Behem/ die Türckey/ Sicilia/ Apulia/ Schotlandt/ das teyl Franckreichs gegen Italia zue / Auch wollen etliche Hispaniam. Die stete aber als Roma/ Mantua/ Rauenna/ Cremona/ Pania/ Paris/ Meylandt/ Damascus/ Praga/ Ulm/ vnd sonderlich den steten/ welche das zeychen des Lewen ynn yhren wappen führen zc. Solche bedeutunge ynn sonderheit/ werden nit allen steten oder regionen so vnter des polus höhe. 48. 49. 50. oben angezeygt ereygent/ sonder

gent/ sonder den selbigen/ welcher anfang yhrs pawens gescheen ist/ da das zeychen des Lewen auff den horizon auffgestigen ist/ oder ynn mitte des himels alsdan gestanden ist.

## Was die namhaftigsten alten

Astrologi ynn sonderheit anzeygen / von diesem Comete/ yñ dem zeychen des Lewen entzündt.



Der lerer Albumasar in floribus zeygt an/ das dieser Comet bedeuete beschwerunge vnd hindernis den mnnschen/ von den wolffen/ vnd ein zufellige gewürm in die rocken getrayde/ auch zerströrunge der hewser/ der substanz vñ güter/ vnd so dieser Comete in occident erschienen ist odder darbey/ bedeuete er solche dinge langsam.

Hali abenragel in seinem letzte buch/ am. 41. capitel/ sagt/ So ein Comet erscheint ym zeychen des Lewen/ bedeut das ein König mit tode abgeen werde / vnd das sich seine feinde erfewen werden/ vnd das einer aus Babilonia ( vernim ich den Türcken ) auszihen werde wider den König / vnd yhm grossen schaden zufügen. 2c.

Leopoldus austrie sagt/ das der Comet der natur Mercurij bedeuete tödligkeit vnd Kriege/ vnd so er entzündt werde ym zeychen des Lewen/ so bedeuete er Kriege vnter den Königen am ende des iars nach seyner entzündunge/ vnd viel blut uergießens in orient/ vnd den tode etlicher edelen vnd mechtigen herren/ Die menschen werden leyden stranguriam/ das ist hartharmen / schmerzen der augen / dösigkeit der hunde vnd wöff / vnd so er in occidente oder gegen occident erscheint/ bedeut er viel krankheit vnd viel wölff.

Albumasar in dem .5. buche von der obersten planeten coniunction/ an der. 7. vntterscheyde schreybt / So ein Comet erscheint erstlich ym zeychen des Lewen/ bedeuete er Kriege zwischen den Königen/ vnd sonderlich den Königen Babilonie/ ( vernim wie oben ) auch wetagen ym bauche.

Gedruckt zu Leyptzig durch Michael Blum.

*[Faint, illegible text, likely bleed-through from the reverse side of the page]*



Anno 1629 den 27 Januarij hat mich  
dieses verzeichnet worden gesehen der  
Ehrenteste roselbenedict Herz marcellus  
Vizeoyder General Anthon von Jülich-Bonn  
Regiment, und ich ihm zu liegen  
verloren gesondt einbrich Laß. B.  
g. v. actum Vtsavia.

62 A. 2372

ULB Halle

3

002 166 305



56,






Coniectur odder ab nemliche aus-  
legung Joannis Schöners  
vber den Cometen so im  
Augustmonat / des M.  
CCCCC. XXXI.  
Jars erschinen ist / zu Ehren  
einem Erbern Rath / vnd  
gemeyner burgerschafft  
der stat Nurnberg  
ausgangen.

Mittnacht.

. M . D . XXXI .



Nidergang.

Aufgang.